

НА ХВАЛИТЕХ

Стихиры Октоиха, 5.

И Триоди, глас 6:

6. Стих: Хвалите Его в кимвалех доброгласных, хвалите Его в кимвалех восклицания, / всякое дыхание да хвалит Господа.

Помышляю день óный и час, / егда имамы вси нази и яко осуждѣни, / неумытному Судии предстáти, / тогда труба возшумит вельми, / и основания земли подвижатся, / и мѣртвии от гробов воскреснут, / и вóзрастом едином вси бóдут, / и всех тайная явленна предстанут пред Тобóю / и возрыдáют, и восплáчутся, / и во óгнь кромешный оты́дут, / иже никогдаже покáяшася; / и в рáдость и весéлие, // праведных жребий внидет в чертóг небéсный.

7. Стих: Исповемся Тебе, Господи, всем сердцем моим, / повею вся чудеса Твоя.

О, каковый час тогда, и день страшний, / егда сядет Судия на престоле страшном! / кнѣги разгибаются, и деяния обличаются, / и тайная тьмы явлена бывáют, / ангели обтекают, собирающе вся языки. / Приидите, услышите, царие и князи, / раби и свободни, / грешницы и праведницы, / богáтии и нищии; / яко грядет Судия, хотяй судити всей вселенней. / И кто претерпит пред Лицѣм Его, / егда ангели предстанут, / обличающе деяния, помышления, и мысли / яже в нóщи и во днѣи? / О, каковый час тогда! / Но прежде даже не приспее кончина, / потщися зовúщи, душé: / Бóже, обратив, спаси мя, // яко еди́н Благоутрóбен.

Глас 8:

8. Стих: Возвеселюся и возрадуюся о Тебе,/ пою Имени Твоему, Вышний.

Даниїл пророк, муж желаний быв,/ властительное Божие видев, сице вопиаше:/ Судия седе, и книги разгнушася./ Блюди, душе моя, постиши ли ся?/ ближняго Твоего не презри./ От брашен воздержиши ли ся?/ брата Твоего не осуждай;/ да не во огонь отсылаема сториши яко воск, // но да без потковения введет тя Христос в Царствие Своё.

Глас 1:

9. Стих: Воскресни, Господи Боже мой, да вознесется рука Твоя,/ не забуди убогих Твоих до конца.

Предочистим себе, братие,/ царицею добродетелей:/ се бо прииде, богатство нам благих подающи:/ страстей утоляет дмения,/ и Владыце примиряет прегрешившия./ Темже с веселием сию приимем,/ вопиюще Христу Богу:/ воскресый из мертвых,/ неосуждены нас сохрани, // славословящия Тя единого Безгрешного.

Слава: паки таяжде стихира.

И ныне: Преплагословенна еси:

По Трисвятом – тропарь воскресный: «Днесь спасение...».

Пред 1-м часом на «Слава, и ныне» – стихира евангельская.